

დამტკიცებულია  
შპს „მაღალი მიღწევების საერთაშორისო აკადემიის“  
დირექტორის 2026 წლის 18 თებერვლის N 02/14 ბრძანებით

შპს მაღალი მიღწევების საერთაშორისო აკადემია  
პროფესიულ სტუდენტთა კარიერული მხარდაჭერის  
მექანიზმები

თბილისი  
2026

## მუხლი 1. ზოგადი დებულებები

- 1.1. წინამდებარე შპს მაღალი მიღწევების საერთაშორისო აკადემია (შემდგომში - დაწესებულება) პროფესიულ სტუდენტთა კარიერული მხარდაჭერის მექანიზმები (შემდგომში - მექანიზმები) შემუშავებულია „პროფესიული განათლების შესახებ“ საქართველოს კანონის, „საგანმანათლებლო დაწესებულებების ავტორიზაციის დებულებისა და საფასურის დამტკიცების შესახებ“ საქართველოს განათლებისა და მეცნიერების მინისტრის 2010 წლის პირველი ოქტომბრის N99/ნ ბრძანებით განსაზღვრული პროფესიული საგანმანათლებლო დაწესებულების ავტორიზაციის სტანდარტების, მოქმედი კანონმდებლობის, განათლების სფეროს ექსპერტთა რეკომენდაციებისა და დაწესებულების წესდების საფუძველზე.
- 1.2. წინამდებარე დოკუმენტის მიზანია პროფესიულ სტუდენტთა დასაქმების უზრუნველყოფა მათი კარიერული მხარდაჭერის ერთიანი მექანიზმის შემუშავების გზით.

## მუხლი 2. არსებული და პოტენციური პროფესიული სტუდენტების კარიერული მხარდაჭერის ღონისძიებები

- 2.1. დაწესებულება რეგულარულად ატარებს შეხვედრებს დაინტერესებულ პირებთან, რაც ხელს უწყობს დაინტერესებული პირების დეტალურ ინფორმირებას დაწესებულებისა და მისი პარტნიორი დამსაქმებლების მიერ შემოთავაზებული სწავლებისა და დასაქმების პირობების შესახებ. აგრეთვე, აღნიშნულ ღონისძიებათა მეშვეობით ვრცელდება დაწესებულების მიერ განხორციელებადი პროფესიული საგანმანათლებლო პროგრამებისა და შესაბამის პროფესიათა შესახებ დამატებითი ინფორმაცია.
- 2.2. პროფესიულ სტუდენტთა მიერ კარიერული ნაბიჯების წარმატებით გადადგმის ხელშეწყობის მიზნით დაწესებულების პროფორიენტაციაზე პასუხისმგებელი პირი მათ კონსულტირებას რეგულარულად უწევს, რაც ხორციელდება როგორც დაწესებულების მხრიდან პროფესიულ სტუდენტთა საჭიროებათა შესწავლის საფუძველზე, აგრეთვე, პროფესიული სტუდენტის მიერ მომართვის შემთხვევაშიც.
- 2.3. კონსულტირება გულისხმობს პროფესიული სტუდენტისათვის/სტუდენტებისათვის დასაქმების გზაზე გასავლელი ეტაპების შესახებ სრულყოფილი ინფორმაციის მიწოდებას. აღნიშნულისათვის დაწესებულება, პროფესიულ სტუდენტთა სურვილებისა და საჭიროებების მიხედვით, რეგულარულად სთავაზობს მათ დამატებითი კურსების ჩატარების შესაძლებლობებს (ხსენებული მოიცავს როგორც დამატებითი კურსების დაწესებულების მიერ ორგანიზებას, ასევე პროფესიულ სტუდენტთა ხელშეწყობას სხვა ორგანიზაციებისა და დაწესებულებების მიერ ორგანიზებულ კურსების ჩართვის კუთხით.), რომელთა მეშვეობითაც პროფესიული სტუდენტები იღებენ ინფორმაციას ისეთ საკითხებთან დაკავშირებით, როგორებიცაა: როგორი უნდა იყოს რეზიუმე/cv, სამოტივაციო წერილი, როგორ უნდა მოახდინოს საკუთარი თავის წარდგენა ინტერვიუების ეტაპზე და სხვა.

### მუხლი 3. კურსდამთავრებულებთან კომუნიკაცია

- 3.1. პროფესიულ სტუდენტებსა და კურსდამთავრებულებს რეგულარულად მიეწოდებათ ინფორმაცია დაწესებულების პარტნიორი კომპანიებისა და აღნიშნულ კომპანიათა მიერ შემოთავაზებული დასაქმების შესაძლებლობების შესახებ.
- 3.2. გარდა წინამდებარე მუხლის 3.1. პუნქტით გათვალისწინებული ინფორმაციისა, დაწესებულება მუდმივად უზრუნველყოფს პროფესიულ სტუდენტთათვისა და კურსდამთავრებულთათვის საქართველოს შრომის ბაზარზე არსებული, მათი პროფილის შესაბამისი ვაკანსიების შესახებ, განახლებული ინფორმაციის მიწოდებასა და საჭიროების შემთხვევაში, ფორმალურ საკითხებთან მიმართებით, სათანადო დახმარების აღმოჩენას.
- 3.3. წინამდებარე მუხლის 3.1. და 3.2. პუნქტებით გათვალისწინებულ პროცესს კოორდინაციას უწევს დაწესებულების პროფორიენტაცაზე პასუხისმგებელი პირი რომელიც აღნიშნულის უზრუნველსაყოფად ქმნის და აწარმოებს დამსაქმებელთა და კურსდამთავრებულთა ბაზებს.
- 3.4. კურსდამთავრებულთა ბაზაში ასახულია კურსდამთავრებულთა დასაქმების შესახებ ინფორმაცია და აღნიშნული ბაზა ახლდება ყოველი მოდულის დასრულებისთანავე. რაც შეეხება დამსაქმებელთა ბაზას, მასში ასახულია პოტენციური დამსაქმებლების აქტიური ვაკანსების შესახებ ინფორმაცია. დამსაქმებელთა ბაზის განახლების მიზნით ინფორმაციის მოძიება და აღნიშნულის საფუძველზე, საჭიროების შემთხვევაში, ბაზის განახლება ხორციელდება კვირაში ერთხელ.
- 3.5. პროფესიულ სტუდენტთა ინფორმირება შესაბამისი ვაკანსიების შესახებ ხდება ყოველკვირეული (საჭიროების შესაბამისად) ჯგუფური შეხვედრების ფარგლებში. კურსდამთავრებულთა ინფორმირება კი ხორციელდება ინდივიდუალურად სატელეფონო კომუნიკაციის მეშვეობით.
- 3.6. პროფესიულ სტუდენტთა მიერ სწავლის დასრულების შემდგომ ტარდება კურსდამთავრებულთა კმაყოფილების კვლევა, კითხვარი შემუშავებულია პროფორიენტაციაზე პასუხისმგებელი პირის მიერ. აღნიშნული გამოკითხვის შედეგად ხორციელდება შემდეგ საკითხთა მოკვლევა:

- ✚ დასაქმდა თუ არა კურსდამთავრებული;
- ✚ დასაქმდა თუ არა იმ სპეციალობით, რომელიც დაამთავრა;
- ✚ კმაყოფილია თუ არა დაწესებულებაში მიღებული უნარებით;
- ✚ იყენებს თუ არა მათ სამუშაო პროცესში და ა.შ

- 3.7. პროფორიენტაციისა და კარიერის დაგეგმვაზე პასუხისმგებელი პირი წინამდებარე მუხლის 3.6. პუნქტით გათვალისწინებული კვლევის მეშვეობით მიღებულ მონაცემებს ამუშავებს და უკეთებს ანალიზს, რის შემდეგაც ხორციელდება დაწესებულების შიდა მხარდაჭერის ჯგუფის ინფორმირება შესაბამის რეკომენდაციათა შემუშავების მიზნით.
- 3.8. დაწესებულება მუდმივ კომუნიკაციაშია დამსაქმებელთან, შესაბამისად, გარდა კურსდამთავრებულთა კმაყოფილების კვლევისა, დაწესებულებაში ხორციელდება დამსაქმებელთა გამოკითხვა, რომლის მიზანია, განსაზღვროს თუ რამდენად

შესაბამება პროფესიული სტუდენტის მიერ გამომუშავებული პროფესიული უნარები დასაქმების სფეროს, საჭიროებენ თუ არა პროფესიული სტუდენტები დამატებითი პრაქტიკის გავლას, რამდენად შესაბამისობაშია კურსდამთავრებულთა კომპეტენცია დამსაქმებელთა შესაბამისი პოზიციების მოთხოვნებთან, რამდენად საკმარისია პროფესიული საგანმანათლებლო პროგრამის ხანგრძლივობა აღნიშნული პროგრამით გათვალისწინებული მიზნების მიღწევისათვის და სხვა. აღნიშნული გამოკითხვა ხორციელდება პროფესიული საგანმანათლებლო პროგრამის დასრულებიდან გონივრულ ვადაში და მისი შედეგების საფუძველზე შიდა მხარდაჭერის ჯგუფი შეიმუშავებს რეკომენდაციებს სასწავლო პროცესის ხარისხის გაუმჯობესების მიზნით.

#### **მუხლი 4. დასკვნით დებულებები**

- 4.1. წინამდებარე მექანიზმებს ამტკიცებს დაწესებულების დირექტორი ბრძანებით.
- 4.2. წინამდებარე მექანიზმები უქმდება, მასში ცვლილებები ან/და დამატებები შედის დირექტორის ბრძანებით.